



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Ivstina V. M. 13. Iulii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

inimico veniam non neganti. Quid ad ista, ô Pyrrhæ genus? vos inquam, quibus pectus immite plusquam æs triplex asperat, jurati hominum & in homine DEI hostes, & quos hoc unum iuvat, non solos perire. Iudice precante, reo non ignoscitis rei? tantus è cruce Orator, tot ora vibrans quot vulnera non persuadet? lignea movet se imago, vos duratis? annuit Christus, vos abnuitis? Ite, ite Sampsones egregii, & tumultum hosti, sed unà vobis parate.  
*Ex Surio.*

S. IVSTINA V. M. 13. Iulii.

GENINA Dorotheæ IVSTINA est, Gconsimili ferè morte & prodigio à morte consimili illustris. Parentibus orba cum esset, forma tot hostes illi conciliavit, quot procos. At illa, ut cui in amoribus solus IESVS erat, suam etiam Christianis Penelopen ostendit & mortales procos facillè ceteros elusit; cum Fabiano Præsidente plusculum fuit iustandum. Devoranda enim alapæ, ferenda verbera, & uberum carnificina. Atqui hæc inter supplicia talem IVSTINA vultum præ se ferebat, ut inter paradisi amœnitates, quas unas tunc loquebatur, obambulare sit visa. Et oportebat alteri Dorotheæ alterum etiam Theophilum esse. Zeno hic fuit è iudicii  
sub-

subsellis primus. Is, cum Virgo ad supplicii locum ridens contenderet, rogavit fructus peregrinos sibi à Sponsi hortis transmitteret. Annuit capite truncanda I V S T I N A. Mox latus Zenonis pufio molliter pulsat, & donum à mortuâ Virgine strophium missum exhibet. Tunc quoque risit, cum strophium acciperet, qui horti munera sperabat. Sed nesciebat ille sub strophio fructus latere. Hoc enim dum frontem ridens tergit, ecce omnem animo superstitionem abstergit, Christum & se Christianum tam diu clamat, dum lingua è faucibus exsecaretur. Caput demum pro Christo ponit, & quod alii tam grave putant, cœlum ridendo meretur. *Ex Ferrar.*

## S. HENRICVS IMP. 14. Iulii.

Emmam Romanæ Coronæ unicam hic exhibeo HENRICVM. genuere Bojorum Duces, D. Wolfgangus educavit. Quid ni ab his bonum Imperatorem speres? Certè imperium à se ipso auspiciatus Virgo idemque conjux in triumphum Cupidinem duxit. Hoc subacto, facile alios Imperii hostes omnes fudit, tum præsertim, cum Æther illi militavit, & aciem, cui votum ante pugnam fecerat, D. Laurentius & cujus gladio accinctus erat, Adrianus, tum Georgius Angelusque